

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण जमाल 'चिलमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

विभेदकारी संविधान छय मधायगु ?
श्रीकृष्ण महर्जन- २उच्च सभ्यताया क्रमिकताया देन
लिच्छविकाल-२
योगेन्द्रमान श्रेष्ठ -३श्री हल्चोक आकाश भैरव
नृपेन्द्रलाल श्रेष्ठ -४पुलुकिसि
रत्न काजी मन -५सकव्य देवी प्यखं
त:जिक हन
किच: सिं -६

संविधान दिवस

सरकारयात दिवस उत्पीडित समुदायया हाकूगु ण्हि

संविधान दिवसया दिनस जनजाति, मधेसी, पहिचान पक्षधरपारखें बल्याक आउठ

लहना संवाददाता

वर्तमान दुई तिहाई बहुमत दुगु केपी शर्मा ओली नेतृत्वया सरकार वशु असोज ३ गते 'संविधान दिवस' त:जिक न्यायकेगु तयारी यानाच्वंगु दुसा नेपा:या उत्पीडित समुदायपारखें धा:सा 'हाकूगु ण्हि'कथं हनेगु तयारी या:गु दु ।

देसय संविधानसभापारखें न्हूगु संविधान जारी या:गु दिंयात थुकथं 'उत्सव' व 'हाकूगु ण्हि' धका: ब्यागलं ब्यागलं हनेगु ब्यापक तयारी या:गुलिं असोज ३ गतेयात कया: तसकं चर्चा जुयाच्वंगु दु । विशेष याना: नेपा:या आदिवासी जनजाति, मधेसी, मुस्मां व पहिचान पक्षधर दलतसें मंका:कथं हे संविधान जारी या:गु दिंयात औपचारिककथं न्हापांखुसि 'हाकूगु ण्हि' हनेगु तयारी या:गु दु । संविधानया धारायात कया: थ:पिनिगु असहमति दु धका: स: तया वयाच्वंगु उत्पीडित समुदाय छगू हे मोर्चाय च्वना: आन्दोलन यानाच्वंगु अवस्थाय ला:गुलिं असोज ३ गतेयात हाकूगु ण्हि धका: हनेत छप्यं जगू खनेदु । लोकसेवा आयोगपारखें स्थानीय तिंगंया निति कर्मचारी भर्ना सम्बन्धी ल्हवंगु पला:या विरोध यायत



संविधानया धारायात कया: थ:पिनिगु असहमति दु धका: स: तया वयाच्वंगु उत्पीडित समुदाय छगू हे मोर्चाय च्वना: आन्दोलन यानाच्वंगु अवस्थाय ला:गुलिं असोज ३ गतेयात हाकूगु ण्हि धका: हनेत छप्यं जगू खनेदु ।

मंका: मोर्चा दयका: उत्पीडित समुदाय सतकय वयाच्वंगु अवस्थाय ला:गुलिं हे थुगुसी असोज ३ गतेयात नं मंका:कथं पला: ल्हवनेगु हव:ता: चूला:गु अनुमान यार्थुछं । नेपा:या आदिवासी जनजातितयगु मंका:गु संगठन नेपाल आदिवासी जनजाति महासंघया नाय: जगत बराम विभेदकारी संविधान संशोधन

याना: उत्पीडित जनताया अधिकार स्थापित मयातलय महासंघ असोज ३ गतेयात 'हाकूगु ण्हि'कथं हनेगु धयादिल । मेखे वर्तमान केपी शर्मा ओली नेतृत्वया सरकार संविधान जारी जगू असोज ३ गते 'संविधान दिवस'कथं थीथी ज्याइव: याना: हनेत देय्यंकया सरकारी ज्याकूयात निर्देशन

बीधुकूगु दु । उगु ण्हि कुन्हु फुक्कं सरकारी ज्याकूथी दीपावली यायगु, देय्यंकं जनताया छैय नेपा:या ध्वॉय ब्वयकेगु, उकुन्हु कुन्हु फुक्कं सरकारी ज्याकूथी वनीपिं सरकारी कर्मचारी देय्यया ध्वॉयया लोगो दुगु टिसर्ट पुनेमा:गु निर्देशन बियात:गु दु । ओली सरकार संविधान दिवसकुन्हु पुनेगु निति टिसर्टया डिजाइन तकं पित बीधुकूगु दु । संविधान दिवसया दिनस जुइगु थीथी ज्याइवलय अनिवार्यकथं राष्ट्रिय गान हायकेमा:गु निर्देशन नं बियात:गु दु । लिसें सिनेमा हल, भजनकीर्तन याइगु थासय नं राष्ट्रिय गान हाला: जक थ:पिनिगु ज्याइव: शुरु यायत निर्देशन बियात:गु दु ।

हुंदिं न्यय:जक आन्दोलन याना वयाच्वंगु उत्पीडित समुदाय मंका:कथं पत्रकार सम्मेलन या:गु दु । उगु ज्याइवलय नेपाल आदिवासी जनजाति महासंघया नाय: जगत बराम धयादिल, 'असोज ३ गतेयात आदिवासी जनजाति, मधेशी, दलित, मुस्मां, मिसा अल्पसंख्यकयात धोका, षडयन्त्र, जालसाभी व विभेद या:गु रुपय कयागु दु । अथे जुया: असोज ३यात हाकूगु ण्हिकथं हनेत्यनागु ख: ।'

ल्यं ७ पेजय

ON METAL
ARTS & CRAFTS

Specialized in Nepalese Nepali and Tibetan Metal Crafts

T: +977-1-5531282 Res / 5251373 Workshop
M: 9841209586 / 9843516111
E: onmetal@live.com
W: www.onmetalart.com
www.facebook.com/onmetal

Hattiban, Dhapakhel-1, Lalitpur, Nepal

The Group of
Traditional
Repousse Art

IMAGE ATELIER
CREATIVE ARTS & CRAFTS

T: +977-1-5203850
M: +977-9841263160
E: raktendra@imageatelier.com
imageatelier@gmail.com
W: www.imageatelier.com

Tmadol-8, Lalitpur, Nepal

Creative
Traditional Metal Arts & Crafts

T: +977-01-6923772
M: +977-9841261181
E: rajendra@creativenepalcraft.com
creative@gmail.com
W: www.creativenepalcraft.com

Harijiddhi, Silauti, Lalitpur, Nepal

तान्व:या पास
कुल्फी
भापिया दिसं ।

Himalayan Ice

धौ दुरु ध्य: बटर व
क्रिम बजारय उपलब्ध दु

मुख्यालय: नगरपालिका, वडा नं. १, सिक्टर घन्सार, ख्वप
९८४२३५३७५९, ९८४२३७९०५५, ९८४२३७८७२५

Trendiest Fashion
At Price You Love

ufo THE CLOTHING STORE

सम्पादकीय



मन्त्रीया नितिं छगू पाठ

कैलाली जिल्लाया टिकापुरय् जूगु डल्फिन महोत्सव क्वचाय्का: हनेबहःम्ह संस्कृति, पर्यटन तथा नागरिक उड्डयन मन्त्री योगेश भट्टराई नेपालगञ्जपाखें येँ लिहां वयत्यंगु इलय् जूगु घटना थौकन्हय् तसकं चर्चाय् वयाच्वंगु दु। विशेष याना: माननीय मन्त्रीजुयात जहाजया यात्रुतसें या:गु दुर्व्यवहारयात कया: कयात:गु भिडियो भाइरल थें जुयाच्वंगु दुसा थुकियात कया: थीथी मन्तसें थीथीकथं विचा: प्वंका हयाच्वंगु खनेदु।

संस्कृति, पर्यटन तथा नागरिक उड्डयन मन्त्री भट्टराई ज्याइव: क्वचाय्का: बुद्ध एअरपाखें येँ लिहांवयगु ज्याइव: दुगु ख:। वयक: येँ लिहां हे वय्या:गु मेगु कारण धइगु कन्हय्कुन्हु प्रतिनिधिसभाय् माननीय सांसदपिन्सं न्यंगु न्हयस:या लिस: बीमा:गुलिं ख:। सायद थ्व हे हुनिं मन्त्री भवा लिबाकक हे जूसां येँ वय्यगु तयारी दुगु जुइमा:। तर थ:गु ज्याइव:या ईया सायद ख्याल (बाध्यता) मया:गुलिं हे वयकलं अपमानजन्य व्यवहार फय्या:गु अवस्था ब्वलन। थ्व स्वयंबल्य सामान्य घटना जूसां थुकिं हनेबह:पिनिगु नितिं छगू त:धंगु अले बांमला:गु घटना ख: धका: धाय्फु। थुकिया भिडियो सामाजिक सञ्जालय् नं बयबय जुयाच्वंगु दु।

सामान्यत हवाईजहाज इलय् हे वय्या:गु ख:। थीथी कारण गथे कि इञ्जनया गडबडी वा मौसमया गडबडीया हुनिं बाहेक जहाज इलय् हे ब्वइगु ख:। तर नेपा:या सन्दर्भय् धा:सा थीथी कारण क्यसें विमान इलय् मब्वइगु सामान्य हे जुइधुंकल। थुकियात कया: यक्वस्यां कुंरिने धुंक्कगु दुसा थुकियात कया: सम्बन्धित निकायं धा:सा खास हे वास्ता यानाच्वंगु मडु। भीसं स्यू कि विमानपाखें यात्रा अप्च: मन्त धइगु थ:गु ई व आकास्मिक ज्याया हुनिं याइपिं जुयाच्वनी। थजा:गु इलय् विमान 'डिले' जुइबलय् सामान्य मन्त आक्रोशित जुइगु स्वभाविक ख:। थ्व हे इवल्य् छम्ह मन्त्रीया ज्याइव:या हुनिं चाहे १५गु मिनेट हे छाय् मजुइमा: वा १घौ, सर्वसाधारणया ई सिर्ति वंगु धइगु सामान्य ताय्के मजु। अले विमानया आधिकारिक संस्थापाखें नं भिआइपी मन्तय्यु सम्मान (चाकडी ?)या हुनिं थजा:गु ज्या याय्यु धइगु नं पाय्छि मखु धइगु खं नेपालगञ्ज येँ ब्वइगु बुद्ध एअरय् जूगु घटनां नं क्यंगु दु। थुकिया सरोकार धइगु छुं नं वादीलिसे सम्बन्धित धका: द्वपं बीगु नं पाय्छि मजु।

दकलय् न्हापां ई धइगु सर्वसाधारण व भिआइपीया नितिं गबलें फरक जुइमखु। तर भीगु देसय् धा:सा भिआइपी सवारी जुइगु ई जुल कि व सतकय् हे जुइमा वा सर्गतय् जुइमा: थुकियात विचा: याइमखु, घण्टौं ईतक नं सर्गतय् वा सतकय् वा निथाय् नं ट्राफिक जाम जुयाच्वनी। थ्व यक्वस्यां फयाच्वंगु घटना ख:। तर ई न्ह्याबले छगू हे जुइमखु धइगु खं नेपालगञ्जय् माननीय मन्त्रीयात जूगु व्यवहार (दुर्व्यवहार)यात नं काय् फु। थजा:गु व्यवहार जुल धका: मन्त्री नकारात्मककथं विचा: मयासें थुकियात दुवाला: स्वय्या:गु दु, अले जनतात नं न्ह्यागु अवस्थाय् सुम्क च्वनाच्वनी मखु धइगु विचा: याय्या:। यदि थजा:गु घटना जूगु ख:सा मेमेगु देसय् मन्त्रीपाखें राजीनामा हे ब्यूगु तर्क दसु दु। मेक्सिकोय् छम्ह मन्त्री थ: लिबा:गु हुनिं जहाज ३७गु मिनेट डिले याय्या:गुलिं राजीनामा तर्क ब्यूगु भी सकस्यां स्यूगु ख:।

जहाजय् मन्त्रीयात गुकथं व्यवहार वा विरोध जुल, व खास हे बांला:गु मखुसां सर्वसाधारण जनतां थ:त जूगु समस्या प्वंकेगु धइगु जनताया नैसर्गिक अधिकार नं ख:। थ्व सुनां या:गु धइगु खं स्वयां नं उगु परिस्थितिइ सर्वसाधारण मन्तय्यु मानसिकता गजा:गु जुयाच्वंगु दु धइगु सीकेमा:। सर्वसाधारण जनताया समस्या थुइकेगु स्वयां उमित हे समस्याय् लाकीगु ज्या अले जनताया नैसर्गिक अधिकारयात वा:चाय् का: मन्त्रीलिसें उच्च पदया ब्यक्तिपिन्सं थ:गु व्यवहारय् सुधार महल धा:सा थुकिया लिच्व: अफ भयावह नं जुइफु।

विभेदकारी संविधान छाय् मधाय्गु ?

अन्तरिम संविधानय् समुदायगतकथं ल्यूने लानाच्वंगु आदिवासी, जनजाति, मधेसीनिसें उत्पीडित समुदाययात राज्यया हरेक निकायस समानुपातिक समावेशी प्रतिनिधित्वया सुनिश्चतता यानात:गु ख:सा आ: जारी जूगु संविधानय् ला राज्यं उत्पीडनय् लाका मत:गु खस आर्य समुदाययात संवैधानिक जाति याना: मेमेपिन्त धा:सा असंवैधानिक अर्थात निगूगु दर्जाया जनता दय्काब्यूगु दु।



श्रीकृष्ण महर्जन

न्हापांगु संविधानसभा विघटन लिपा दय् कूगु निक्व:गु संविधानसभापाखें जारी या:गु नेपा:या संविधानयात नेपा:या आदिवासी जनजाति, मधेसी, दलितनिसें उत्पीडित समुदायतसें अस्वीकार याना: आन्दोलन यानाच्वंगु सर्वसाधारण मन्तसें तर्क सीधुंकल। लिपांगु इलय् वया: संविधान जारी जूगु दिं असोज ३ गतेयात 'हाकूगु न्हि' हनेगु औपचारिककथं घोषणा याय्वं संविधानयात कया: असन्तुष्ट दु धका: स्पष्ट जूगु दु। संविधानसभाया ८०गु प्रतिशत स्वयां अप्च: सभासदतसें ल्हा:चिं तया: पिथंगु संविधान जूगुलिं नेपा:या ८०गु प्रतिशत स्वयां अप्च: जनताया समर्थन दु धका: प्रमुख दलया प्रमुख नेतातसें दावी याना वयाच्वंगु दु। थजा:गु संविधान नेपा:या आदिवासी जनजाति, मधेसी, दलितनापं उत्पीडित समुदायया नितिं पाय्छि मजु अले थुकी उत्पीडित समुदाययात विभेद यानात:गु दु धयाच्वंगु अवस्थाय् गुकथं विभेद यानात:गु दु धका: थुइकेमा:गु आ:या आवश्यकता ख:।

संघीताय् मद्यकं मगा:गु केन्द्रय् साभेदारी सरकार व प्रदेशय् स्वायत्तता, स्वशासन अधिकारया व्यवस्था ख:। तर जारी या:गु न्ह्यु संविधानय् उक्तथं व्यवस्था मयासे छगूकथं प्रशासनिक केन्द्र जक दय्केगुकथं न्हयगु प्रदेश दय्केगु प्रस्ताव ह:गु दु। अजा:गु संविधान हे नेपा:या आदिवासी जनजातिनिसें उत्पीडित समुदायया हकहीत स्थापित याइ, अले समानता दइगु दावी याना वयाच्वंगु दु प्रमुख दलया नेतातसें।

छुं स्वयंबलय् दुई तिहाई बहुमत छुं नं धारा संशोधन याय्फुगु बांला:गु खं च्वं, तर संशोधन याय्गु नितिं न्ह्यु संविधानकथं हे संघीय प्रदेश अर्थात केन्द्रीय प्रदेशय् वनीपिं धा:सा व हे आगसं ता:हाक:पिं नापं संविधानय् हे ब्याख्या यानात:गु कथं खस आर्य (क्षेत्री, ब्रम्ह, ठकुरी, दसनामी, सन्यासी)त थ्यनीगु व्यवस्था यानात:गु दु। अले इमिगु हे चाहानाकथं संविधान संशोधन जुइगु अवस्था अवश्य नं जुइ। आदिवासी जनजाति, मधेसीनिसें उत्पीडित समुदायया मिखां स्वल धा:सा जारी जूगु वर्तमान संविधान अन्तरिम संविधान स्वयां नं ल्यूने जक मखु, २०४७ सालया संविधान स्वयां नं ल्यूने वंगु खनेदु।

अन्तरिम संविधानय् समुदायगतकथं ल्यूने लानाच्वंगु आदिवासी, जनजाति, मधेसीनिसें उत्पीडित समुदाययात राज्यया हरेक निकायस समानुपातिक समावेशी प्रतिनिधित्वया सुनिश्चतता यानात:गु ख:सा आ: जारी जूगु संविधानय् ला राज्यं उत्पीडनय् लाका मत:गु खस आर्य समुदाययात संवैधानिक जाति याना: मेमेपिन्त धा:सा असंवैधानिक अर्थात निगूगु दर्जाया जनता दय्काब्यूगु दु। २०४७ सालया संविधान

स्वयां नं ल्यूने वना: खस आर्ययात जक संवैधानिक जाति यानाब्यूगुलिं अवश्य नं जारी जूगु संविधान जनजाति, मधेसीनिसें उत्पीडित समुदायया ल्याखं ल्यूने ला:गु दु धाय् बाध्य यानाब्यूगु दु।

छगू लख स्वयां अप्च: खँव: दुगु वर्तमान संविधानय् ब्याकरणविदतय्यु धापूकथं ९२गु थासय् अशुद्ध जुयाच्वंगु दु हँ। मुक्कं याना: ३०८ धारा दुगु व स्वीन्याब्वय् ब्वथलात:गु थुगु संविधानय् गुंगु अनुसूची तयात:गु दु। नेपा:या आदिवासी जनजाति समुदायया छम्ह मन्तया ल्याखं स्वयाबलय् जारी जूगु संविधानय् ११गु प्रावधान ला आदिवासी जनजाति विरुद्ध दु। अले संविधानय् मुक्कं याना: २३गु विभेदकारी प्रावधान दुथ्याकात:गु दु। आदिवासी जनजातियात बहिस्करणय् लाकीगु ४९गु प्रावधान दुसा खस आर्ययात सर्वोच्च कायम यानात:गु न्यागु धारा खनेदु।

जारी जूगु संविधानया दकलय् न्हापांया प्रस्तावनाय् न्हापांगु खँपु अर्थात वाक्यय् हे सार्वभौमसत्ता सम्पन्न नेपाल जनता धका: च्वयात:गु खना। अले व हे प्रस्तावनाय् छथाय् नेपाली जनता मेगु थासय् जनता धका: जक

हे सरकारी कामकाजया भाय् जुल, अले संघीय सरकारनिसें स्थानीय तगिमय् तर्क छ्यलेगु ज्या जुल। तर थीथी समुदायपाखें ल्हाइगु मांभाय्या सवालय् धा:सा कानून दय्केगु धा:गु दु। कानून नं गथे याना दय्की धाय्बलय् दच्छिया दुने भाषा आयोग दय् कीगु व न्यादँया दुने भाषा आयोग प्रदेशया नितिं सरकारी कामकाजया भाय्या रुपय् छ्यलेफइगु बहुसंख्यक जनतां ल्हाइगु भाय् धका: संघीय सरकारयात सिफारिस याइगु। प्रदेश थ:म्ह हे निर्णय तर्क याय् मदइगु। थ्व ल्याखं खुदँतक ला खस भाय् छगुलिं जक राज्य चले जुइगु जुल। अले मेमेगु भाषाया सवालय् बहुसंख्यकया परिभाषा गुकथं बीगु नापं सिफारिस यात हे धा:सा कन्हय् वना: आवश्यकता मताय्केगु ज्या यात धा:सा खस भाय् बाहेक मेगु भाय् प्रदेश व स्थानीय तगिमय् तर्क सञ्चालन मजुइगु जुल। थुकिया अर्थ संघ अर्थात केन्द्रय् ला खस भाय् छगू जक जुइगु निश्चित जूगु दु।

अथे हे नेपा: धइगु निस: व नीन्यागुलिं मल्याक जाति समुदाय च्वनाच्वंगु देय् ख: धका: सरकार हे धयाच्वंगु दु। संविधानय्

राष्ट्रभाषा नेपालय् ल्हाइगु फुक्क मांभाय् राष्ट्रभाषा जुइ धका: च्वयात:गु खना: जि लय्ताया। तर अनं क्वय् हे धारा ७स नेपालय् सरकारी कामकाजया भाषाय् धा:सा देवनागरी लिपिं च्वयात:गु नेपाली भाषा नेपा:या सरकारी कामकाजया भाषा जुइ धका: च्वयातल।

च्वयात:गु खना। थ्व सार्वभौमसत्ता सम्पन्न नेपाली जनता सुयात धा:गु? अले जनता सुयात धा:गु ख: थुकिया अर्थ गनं खस आर्ययात सार्वभौमसत्ता सम्पन्न नेपाली जनता याय्यु, अले जनजाति, दलितयात जनता याय्यु सोचकथं परिभाषा जुयाच्वंगु जक मखु ला? थ्व विभेद मखु ला?

संविधानया धारा ६स राष्ट्रभाषा च्वयात:गु जिं खना। राष्ट्रभाषा नेपालय् ल्हाइगु फुक्क मांभाय् राष्ट्रभाषा जुइ धका: च्वयात:गु खना: जि लय्ताया। तर अनं क्वय् हे धारा ७स नेपालय् सरकारी कामकाजया भाषाय् धा:सा देवनागरी लिपिं च्वयात:गु नेपाली भाषा नेपा:या सरकारी कामकाजया भाषा जुइ धका: च्वयातल। अले नेपाली भाषाया अतिरिक्त प्रदेश थ:गु प्रदेशदुने बहुसंख्यक जनतां ल्हाइगु छगू वा छगू स्वयां अप्च: मेगु राष्ट्रभाषायात प्रदेशया कानूनकथं प्रदेशया सरकारी कामकाजया भाषा निर्धारण याय्फइ, भाषा सम्बन्धी मेगु खं भाषा आयोगया सिफारिसय् नेपाल सरकार निर्णय याइ धका: च्वयात:गु दु। थ्व धारा स्वयाबलय् ला देवनागरी लिपिं च्वइगु खस भाय् जक नेपाली भाय् अले नेपालय् ल्हाइगु मेमेगु भाय् धइगु मांभाय् ख: धका: स्पष्ट या:गु दु। खस भाय् जक नेपाली भाय् जुइगु तर नेवा:लिसें मेमेगु समुदाय दुने ल्हाइगु भाय् गबलें नं नेपाली भाय् जुइमखु धका: स्पष्ट यानाब्यूगु दु। लिपिया ल्याखं नं देवनागरी लिपि जक नेपा:या सरकारी ज्याखँया लिपि यानाब्यूगु दुसा नेपालय् दुगु प्रचलित नेपाल लिपिनिसें रञ्जना लिपियात तर्क सरकारी ज्याखँय् गबलें नं छ्यले दइमखु धका: अप्रत्यक्षकथं घोषणा यानाब्यूगु दु। खस भाय् धा:सा आ:

खस आर्ययात जक परिभाषा बीगु यानात:गु दु। खस आर्य धइगु खय् ब्रम्ह, ठकुरी, दशनामी, सन्यासी ख: धका: च्वयात:गु दु। थ्व संविधानय् गनं नं नेवा:, तामाङ, लिम्बु, मिश्र, परियार, यादव, चौधरीलिसें सलस: जातिया नां तर्क न्हयथनात:गु मडु। थुकिया अर्थ खस आर्य संविधानय् हे न्हयथनात:गु जूगुलिं आर्विल इपिं संवैधानिक जाति जुल। आदिवासी जनजाति दुनेया नेवा:, तामाङ, राई, लिम्बु, शेर्पा, गुरुङलिसेंया जातिया नां आदिवासी जनजाति प्रतिष्ठान दुने जक न्हयथनात:गुलिं इपिं निगूगु दर्जाया नागरिक जुयाब्यूगु दु। संविधानय् न्हयथनात:गु खस आर्य न्हापांगु संवैधानिक जाति अले संविधानया क्वय् ऐन जुइगु जुया: जनजाति प्रतिष्ठानया ऐनकथं आदिवासी जनजाति दुनेया समुदाय निगूगु दर्जाया नागरिक जुल। दलित व मधेसी समुदाय दुनेया जातियात नियमय् जक व्यवस्था यानात:गु दु। संविधान दकलय् च्वय् संविधान अन्तर्गत ऐन तयार जुइगु अले ऐनया नं क्वय् धइगु नियम दय् कीगु ख:। थुगु ल्याखं संविधानय् जनतायात न्हापांगु दर्जा, निगूगु दर्जा व स्वंगुगु दर्जा याना: विभेद याय्यु ज्या थ्व संविधानपाखें यानात:गु खनेदु।

थुलिमछि ल्याखय् विभेद दुगु वर्तमान संविधानय् छुछु धारा उत्पीडित समुदायविरुद्ध दु, उक्तथंया धारा संशोधनया नितिं दबाव बीकथं गुलिसिनं हाकूगु न्हिकथं हनेगु, अले गुलिसिनं विभेदकारी धारात च्याकेगु धयाच्वंगु दु। न्ह्यागुसां थ्व इलय् छेजे राज्य 'संविधान दिवस' हनाच्वनीसा उत्पीडित समुदायपाखें विभेदयात थुइकेगु अभियान व राज्यपक्षेयात खबरदारी याय्यु ज्या धा:सा अवश्य नं याय्या:।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वा:पतिइ थाय् बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वा:पौ

भोर्छे, येँ

lahana.news@gmail.com

उच्च सभ्यताया क्रमिकताया देन लिच्छविकाल-२



योगेन्द्रमान श्रेष्ठ

वीर पुस्तकालयया स्थापना :

वि.सं. १९४२ सालयुथःहे तरिवाः स्यानाः सत्तायुवःमह वीर शम्शेर थः श्री ३ महाराज जुइसात जनतायात प्रत्यक्ष लाभ जुइगु ज्या याःगु नं खनेदु । धःया छुं हे व्यवस्था मदुगु येँ देसयु धःया व्यवस्था, वीर पुस्तकालयया सुविधा, ल्वहीँहीँ, बुंगाः व तुया लः व्यवहार यानाच्चर्पिँ येँमितयुत कलधारा गुक्रिया नां “वीरधारा” नामाकरणयानाः लःया व्यवस्था याःगु खनेदु । जङ्गबहादुरया इलयु थापाथली दरबारयु स्थापना याःगु “दरबार स्कूल”यात नं लानीपुखुया पश्चिमपाखे तयु हयाः हुकुम प्रमात्री दुनियाँया मिजमस्त नं ब्वकेदइगु यानाबिल । थुक्रिया नापं वीर शम्शेर इतिहासया नितिं छू गति लाःगु ज्या याःगु नं खनेदु ।

वीर शम्शेरं मल्लकालनिसें हनुमानध्वाखाया छक्को थायु मुनाच्चंगु नेपाःया थीथी लिपिं च्वयातःगु ताडपत्र, भोजपत्र, नीलपत्र, हरिताल व सर्वसाधारण नेपाली भ्वैतयु च्वयातःगु असंख्य थ्यासफू छासासं मुंकाः थःमह हे पलिस्था याःगु घण्टाघर परिसरयु वीर शम्शेरं “वीर पुस्तकालय” नामाकरण यानाः पलिस्था याःगु खनेदु । “वीर पुस्तकालय स्थापना जुयाः तःदौलपा भीम शम्शेर श्री ३ महाराज जूसैलि थःके दुगु आपालं तन्त्र सम्बन्धि सफूत “वीर पुस्तकालय” तयाब्युगु खः । राणा शासनया श्री ३ महाराजपिं मध्ये भीम शम्शेर तन्त्रमन्त्रयु आपालं विश्वास तइमह जुयाः वयाके तन्त्रमन्त्र सम्बन्धि सफूत दुगु खः । खास खँ ला वीर शम्शेरं थथे सफूकुथि पलिस्था याःगुया नं थःगु हे स्वार्थ दुगु खः । वीर शम्शेरया थीथी इच्छा मध्ये गुप्त धन लुइकेगु छु तःधुं इच्छा खः । वीर शम्शेरया थ्व इच्छा ल्यायुमहबलयु निसैँ दुगु खनेदु, छायाःसा पालपाया तैनाथवाल जुयाच्चबलयु तानसेनया जनतातसें तानसेनया श्रीनगर डाँडाया “सेन जुजुपिंसं धन सुचुकातःगु दु धासैलि थायु थासयु गाः म्हुया स्वःगु खः ।” (दीक्षित : २०३१ : ६४) । उगु इलयुया इतिहास अध्ययन यायुबलयु दु सुदु धाःसा थथे गुप्त धन लुइकेगु वीर शम्शेरया जक मखु, उच्च पदस्थ राणातयु फुक्कसिया छु विश्वास दुगु जुयाच्चन धाःसा नेपालयु दुगु थ्यासफू व शिलापत्र बांलाकक अध्ययन अर्थात ब्वनेफत धाःसा असंख्य धन लुइकेफइ धइगु विश्वास खनेदु । थ्व विषययात प्रमाणित यायुगु नितिं नेपालयु बज्रयान धर्मया अध्ययन अनुसन्धान यायुत वःमह फ्रेञ्च विद्वान सिल्भा लेभियात नं कायुफु । सिल्भा लेभिं छाथायु थुकथं न्यथथनातःगुलिं प्रष्ट जू वः, “देव शम्शेरले मलाइ दरबारको भित्तामा राखिएको अहिले धेरै विद्वानले माने लाउन नसकेको एउटा शिलालेखको छाप लिन लगाए र अर्थ बुझ्न खोजे । के चाहेको भन्नेकुरा थाहा पाएँ, यो विद्वान प्रताप मल्लले दरबारमा लेख्न लगाएको शब्दहरू भएको शिलापत्र बारेमा रहेछ । यसमा अरब र तिब्बती भाषा सँगै फ्रान्सेली भाषामा “ज्ख्ख्” लेखेको छ । मलाइ यसमा गुप्त राखिएको सम्पत्तिको बारेमा छ भन्थे । यसरी नै यिनका भाइ खड्ग शम्शेरले ठूलो धनराशी राखेको छ कि भनि कपिलवस्तुको स्तुप विगारे । यस्तै धनसम्पत्तिको मुहान फेला पार्न सकिन्छ कि भनि मलाइ काम लगाइएको छ ।” (लेभी : अनु उप्रेती : सन् २००७ : दोस्रो खण्ड : २४१)

न्यागु जूसां वीर शम्शेरं ध्याक्वयु मुनाच्चंगु थ्यासफूत मुनाः वीर पुस्तकालय पलिस्था यासैलि नेपाःया इतिहासया नितिं आपालं तिबः ज्वन । न्यामह हे विद्वान नं नेपाःया खँ सीकेत वइपिं थ्व हे सफूकुथिइ अध्ययन याःगु खनेदु । थ्व “वीर पुस्तकालय” वि.सं. २०२४ सालतक घण्टाघरया क्वयु खः । वि.सं. २०२४ साललिपा सरकारं “राष्ट्रिय अभिलेखालय” नामाकरण यानाः सिंहदरबार परिसरयु तयु यंकुगु खः । थौकन्हयु राष्ट्रिय अभिलेखालयया भवनयात कयाः अनेक खँ पिहां वयाच्चंगु न्येब्वने मालाच्चंगु दु । राष्ट्रिय अभिलेखालयस च्वंगु फुक्क ग्रन्थ भी नेवाःतयु अमूल्य सम्पत्ति खः । गुथिया गुलि महत्व दु, थुक्रिया नं उलि



हे महत्व दु । थ्व भीसं ल्वःमके मज्यु । थुक्रिया संरक्षण व सम्बर्द्धन यायुगु नं भीगु दायित्व व कर्तव्य खः ।

लुयावःगु “गोपालराज वंशावली” व थुक्रिया महत्व :

वीर पुस्तकालय पलिस्था मजुतलयु नेपाःया विषय अध्ययन अनुसन्धान याःवइपिं विद्वानतयु नेपाःया उगु ईया थीथी ब्यक्तियुके थुगु वंशावली थ्यासफूत कयाः अध्ययन याःगु प्रष्ट सीदु । तर वीर पुस्तकालय पलिस्था जूसैलि इतिहास, धर्म व थीथी विषयया अध्ययन याइपिन्त आपालं तिबः ज्वन ।

नेपाःया आपालं विषयया अमूल्य ग्रन्थत वीर पुस्तकालयस दुगुलिं नेपाःया विषय अध्ययन अनुसन्धान याइपिन्त तसकं अःपूगु खनेदु । थ्व हे इवल्यु नेपाःया विषय वि.सं. १९५५यु अध्ययन यायुत वःपिं बेण्डाल व पं. हरिप्रसाद शास्त्रीपिंसं नं “वीर पुस्तकालय” अध्ययन याःगु खनेदु । थथे अध्ययन यायुगु क्रमयु वीर पुस्तकालयया सफूत थ्व हे निम्ह विद्वानं सूचीपत्र तयार याःगु खः । थथे सूचीपत्र तयार यायुगु इवल्यु बेण्डाल व शास्त्री भुजिमोल लिपिं च्वयातःगु संस्कृत व नेपालभाषा नितां दुगु ने.सं. ५०८या ताडपत्र सफू छू लुइकल । गुगु पृष्ठ १७पाखे शुरु जुयाः ६३तक दुगु जुयाच्चन । उकी नेपालयु गोपाल वंश शुरु जुयाः जयस्थिति मल्लया शासन व्यवस्थाया सक्षिप्त रुपं च्वयातःगु दु । गुक्रियात थौकन्हयु भीसं “गोपालराज वंशावली” धया वयाच्चनगु दु ।

खःला गोपालराज वंशावली प्राप्त जुइ न्यथः नं इतिहास च्वयावीपिं विद्वानत मदुगु मखु । तर जब गोपालराज वंशावली प्राप्त जुल, नेपाःया इतिहासं न्ह्यु पहः काल । थुगु वंशावली गोपालीतयुत किराततसें त्याकाः नेपाल शासन यात धकाः थुकथं वर्णन यानातःगु दु । “... तत् पश्चात गोपाल महिषपाल निज्जित्य किरात राजां प्रवर्तनं” (रेमी : १९६९ : ११३) । थुकथं गोपालीतयुत त्याकाः किराती जुजुया नां “श्री एलम्बर्ष ९०” धकाः नं न्यथथनातःगु दु । थुगु वंशावली २३मह किराती जुजुया नां व अमिसं याःगु राज्य वर्षया नं न्यथथनातःगु दुसा किरातीतयुत लिच्छविं त्याकाः नेपालयु राज्य यात धइगु न्यथथनातःगु दु । वया कायु “श्री णिमिसं” ५० वर्ष राज्य यात धकाः नं न्यथथनातःगु दु । धार्मिक ग्रन्थयु लिच्छवित बैशाली वःपिं धकाः न्यथथनातःथे थुगु वंशावली न्यथथनातःगु मदु । लिच्छवितसें थुकथं किरातयुत त्याकल धइगु चीहाकलं थुकथं बयान यानातःगु दु, “अथः सूर्यवंश प्रभावत नेपाल किरात निज्जित लिच्छवीवस्य प्रवर्तते : ॥ (रेमी : १९६६ : ११५) तस्यपुत्र राजा श्री णिमिस्यकाल वर्ष ५० ।” थुकथं बयान यायुगु इवल्यु “णिमिसं” नाम लिपा प्यमहह जुजु “श्री सुपुष्यदेव वर्ष ७६” खः । गोपालराज वंशावलीया न्यथथनातःपिं लिच्छवि जुजुपिं मध्ये “सुपुष्यदेव” नं महत्वपूर्ण खनेदु ।

थथे थन “गोपालराज वंशावली” लिच्छवि जुजुपिनि

वर्णनया इवल्यु “श्री सुपुष्यदेव”या विषययात कयाः चर्चा परिचर्चा यायुमाःगु कारण धइगु नेपाःया इतिहासयु विदेशी विद्वानपिंसं भ्रम ब्वलंका ब्युगुलिं खः । विदेशी विद्वानपिंसं जयदेव द्वितीयया पशुपति अभिलेखया पाठ याःबलयु “सुपुष्य”यात “पुष्यपुरे” धासैलि आपाःसिनं थःथःगु कथं ब्याख्या यायुगुली स्वतन्त्र ज्वन । पुष्यपुरेयात कयाः भारतया पटनाया जुजुतकं धयाबिल । छथः विद्वानतसें थ्व हे खँवःयात “पुष्यसराकृति” धकाः तकं पाठ यानाबिल । जब बरिष्ठ इतिहासकार धनबज्र बज्राचार्य तसकं मेहेनत यानाः “श्री मान्युष्यसराकृति क्षितिपतिज्जति सुपुष्यस्ततः” पाठ यासैलि फुक्कं भ्रम छक्वलं निवारण जुल धाःसा जयदेव द्वितीयं नांजाःपिं जुजुपिनि जक न्यथथनाः पलिस्था यानातःगु पशुपति अभिलेखयु “सुपुष्य” नेपाःया लिच्छवि जुजु खः धइगु गोपालराज वंशावलीं नं सावित यानाबिल । थुगु अभिलेखयु “सुपुष्य”यात क्षितिपति धकाः न्यथथनातःगुयात कयाः धायुगु खःसा लिच्छवि जुजु “सुपुष्य” सार्वभौम सम्पन्न खः । धइगु नं सावित यानाब्युगु दु । छायाःसा सार्वभौम सम्पन्न जुजुपिन्त क्षितिपति, भूपति, पृथ्वीलाधीश, प्रजापति, नरपति इत्यादि खँवः न्यथथनातइगु खः । हनेबहःमह इतिहासकार धनबज्र बज्राचार्य अथक कुतलं भीत छु नं धयाच्चंगु दु धाःसा भीगु देसया इतिहासं भीसं हे सोधखोज यानाः च्वयुमाः, अले जक भीगु देसया इतिहास पायुछिकथं न्याइ ।

लिच्छवि जुजु जयदेव द्वितीयं पशुपति अभिलेखयु न्यथथनातःमह जुजु सुपुष्या बारे “गोपालराज वंशावली” नांया जक मखु, वं यानावंगु कीर्तिया गाथायात कयाः नं न्यथथनाः सुपुष्या मेगु महत्व तनाब्युगु दु । महत्वपूर्ण खँ प्रकाशयु हयाब्युगु दु । जुजु “सुपुष्य” भगवान श्री पशुपतिनाथया देगःनापं मेमेगु कीर्तिया नं थुकथं न्यथथनातःगु दु, “.... राजा श्री सुपुष्य देव वर्ष ७६ । तेनहि नेपाल भूमि श्रचातुर्वर्ग.... कृता । श्री पशुपति भद्रकस्य देवालय कृतं सख सुरस्य पुत्रः । मज्जादाताकृता न्यायेन प्रजा समस्त प्रतिपालितानि स्वस्व स्वकीयेन भूमि ।” (रेमी : १९६६ : ११५) । “गोपालराज वंशावली”इ थुकथं न्यथथनातसैलि छु सीदत धाःसा देसयु वर्ण व्यवस्था यानाः जनतायात न्यायनिसाफ वीगुली दत्तचित्त दुमह धइगु नं सीदत । नापं पशुपतिया देगः सुपुष्य हे दंगु खः धइगु नं प्रमाणित जुल । थथे सुकीर्ति याःमह जुजु जुयाः हे जयदेव द्वितीयं थःगु पशुपति अभिलेखयु सुपुष्या नां न्यथथंगु खनेदु । छायाःसा जयदेव द्वितीयं थ्व अभिलेखयु लिच्छवि जुजुपिं मध्ये प्रख्यात जुजुपिनिगु नां न्यथथंगु खनेदु ।

विदेशीतसें धःने धःने अध्ययन यानाः ब्याख्या यानाच्चंगुयात “गोपालराज वंशावली” पायुछिकथं न्यथथनाब्युगु नं खनेदु । विदेशी विद्वान हितनारायण भा नं “अंशुवर्मायात ‘जुजु शिवदेवया जिलाज’ धकाः उल्लेख याःगु खँयात नं ‘गोपालराज वंशावली’ राजा शिवदेव वर्ष

४१ तस्य भनीयपुत्र अंशुवर्मा वर्ष ४३ तेन च राजविहार कृतं पाण्डकादि व्यवहार प्रवर्तते ॥ व्याकरणादि शास्त्र वर्तते ॥ (डा. रेमी : १९६६ : ११८) । अंशुवर्मा जुजु शिवदेवया जिलाज मखु, भिंचा खः धकाः पक्का सावित यानाब्युगु दु । थःत पशुपति भद्रक धायुगुली गर्व तायुकीमह जुजु अंशुवर्मा बौद्ध धर्मया नं अनुयायी व संरक्षक धइगु खँ राजविहार निर्माण याःगु न्यथथनातःगुलिं बांलाकक खनेदु । अंशुवर्मा थीथी विहारया निर्माताया नापं थःगु शिलालेखयुतकं बौद्ध चक्र चिं तयाः थापना याइमह धार्मिक समन्वयात्मक ब्यक्ति धइगु बांलाकक सीदु ।

“गोपालराज वंशावली” जुजु अंशुवर्मायात ब्याकर्ण शास्त्रया छम्ह पारंगतमह विद्वानकथं न्यथब्वयातःगु दु । गुगु यथार्थ खः । थ्व खँया अंशुवर्माया पशुपति अभिलेखं थुकथं सावित यानाब्युगु दु । “कैलासकूट भवनयु चा न्हि अनेक शास्त्रया विषय छलफल यायां खराब बिचाः मदयुधुंकुगु व न्यायनिसाफ यायुगुलिं व्यस्त व थःत गौरव तायुकीमह” (बज्राचार्य, धनबज्र : २०३० : ३५८)

गोपालराज वंशावलीया रचनाकाल ने.सं. ५०८ खः । लिच्छविकालया प्रारम्भ ईसाया न्यागुगु शताब्दी स्वयां न्हापा खः । “गोपालराज वंशावली”या रचना लिच्छविकाल स्वयां द्वःछिदं मयाक लिपा जूगु खःसां लिच्छविकालया सहि सहि ब्याख्या यानातःगु छू अजु चायापूगु खँ खः । थुकथं लिच्छविकालयात कयाः थीथीकथं अध्ययन यायुबलयु लिच्छविकाल थ्यंबलयु नेपाःया संस्कृति व सभ्यतां गावकं उच्च स्थानयु थ्यनुधुंकुगु प्रष्टरुपं खनेदु ।

लिधंसा सफू :

१. गौतम शेखर सिंहः सन् १९६९ः भरतखण्ड और नेपाल : मानव जीवन संस्थान, उत्तर प्रदेश ।
२. बज्राचार्य, धनबज्र : २०३० : लिच्छविकालको अभिलेखः नेपाल एशियाली अध्ययन संस्थान ।
३. डा. रेमी जगदीशचन्द्र : ३०३४ : प्राचीन नेपालको राजनीतिक इतिहास : साभा प्रकाशन ।
४. पन्त, दिनेशराज : २०६९ : प्रथम किरात राजा यलम्बरको समय : नेपाल प्रज्ञा प्रतिस्थान ।
५. आचार्य, बाबुराम : २०६० : प्राचीनकालको नेपाल : श्रीकृष्ण आचार्य ।
६. हृदय चित्तधर : ने.सं. १०९१ : नेपालभाषा साहित्यया जातः : नेपालभाषा परिषद ।
७. दीक्षित, काशीनाथ : २०३१ : भएको कुरा : काठमाण्डौ नेपाल शान्ति निकेतन, नरेन्द्रमनि आदि ।
८. लेभि सिल्भा (अनुवादक डिल्लीराज उप्रेती) : नेपाल (दोस्रो खण्ड) सन् २००७ : हिमाल किताब प्रा. लि. ।
९. Regmi Dr. : 1966 : Mediaval Nepal 3 : K.L. Mukhapadhyay
१०. सम बालकृष्ण : मेरो कविताको आराधना : २०२९ : साभा प्रकाशन ।

श्री हल्चोक आकाश भैरव

नेवा: परम्पराकथं अष्टमातृका व भैरवया तःधःगु महत्व दु । भैरवयात महाद्यःया रूप कया: थ्यंमथ्यं १०८म्ह भैरव माने यानातःगु दु । उकी पचली भैरव, उन्मन्त भैरव, हेग्रीव भैरव, त्यांका भैरव, काल भैरव, बाघ भैरव अथे हे, हल्चोक आकाश भैरवयात बिस्ककथं कयातःगु दु ।



नृपेन्द्रलाल श्रेष्ठ

द्यः प्यारखं हुलीगु
ठवल्य चण्डी
व कुमारी निम्ह
छक्कलं प्यारखं
हुलीसा श्री हल्चोक
आकाश भैरव
याकःचा प्यारखं
हुलीगु खः ।
बाजकथं खिं छः
व भ्यालि निगु
दइ । बाज्या
ताल किन्नाले
सिन्तांग्या बोल्य
बाजं थाइ ।

नेवा:तयस निन्हु प्यन्हु मपायक थीथी जात्रा पर्व, नखःचखः हना वयाच्वंगु दु । नेवा:तयसं जात्रा पर्वय नं खवा:पा: प्यारखंया नं विशेष महत्व दु । थथे खवा:पा: बिश्वय मेमेथाय नं दु । तर मेमेथाय खवा:पा: प्यारखं छगु मनोरञ्जन व नाटककथं जक खनेदु ।

नेपालय नेवा:तयगु खवा:पा: प्यारखं तान्त्रिक बिधिपाखे जुइगुलिं धार्मिक महत्व अभ अयः खनेदु । अथे हे, स्वनिगलय नेवा:तयगु तःजिगु जात्रा मध्ये छगु यैया: जात्रा खः । थुगु जात्रा यै, यल व खवपय बिस्ककथं हनेगु याइ ।

जलाथ्व द्वादशिश हनुमानध्वाखाय यःसिं थन कि यैया: औपचारिककथं न्ह्याइ । यैया: इलय हलिमय जीवित द्यःकथं कयातःम्ह श्री कुमारी माजु, श्री गणेद्यः व श्री भैलःद्यःया रथ यात्रा स्वन्हुयंकं जुइगु खः । उकिया नापनापं पुलुकिमि, लाखे, दीप्याखं, महाकाली प्यारखं व श्री हल्चोक आकाश भैरव द्यःया जात्रा नं खः ।

नेवा: समुदाय दुने हल्चोकय च्वीप पुतवारपिन्सं यैया:बलय याइगु जात्रा खः श्री हल्चोक आकाश भैरव जात्रा । श्री हल्चोक आकाश भैरवयात यैया च्वीपिन्सं सवः द्यः नाप सवः भक्कु नं धायगु याः । आकाश भैरव नापं चण्डी व कुमारी याना: स्वम्ह द्यः दइ ।

श्री हल्चोक आकाश भैरवया जात्रा गबलेनिसें न्ह्या:गु खः धका ठोस प्रमाण मदुसा नं नेपाल सम्वत् १०७ इलय जुजु गुणकामदेवं न्ह्याकगु धइगु अनुमान दु । जुजु गुणकामदेवयात महालक्ष्मी द्यवं दर्शन व्यगु खः । द्यःया उजकथं थःगु राज्ययात शत्रुया भयपाखे मुक्त यायत हल्चोकय श्री आकाश भैरव सहित थीथी द्यःत तान्त्रिक बिधिपाखे उत्पन्न याःगु धइगु बंशावलीइ च्यातःगु दु । जुजु गुणकामदेवं यैया रक्षा यायगु नितिं प्यखेर अष्टमातृका स्थापना याना: थीथी थासय भैरव नं स्थापना याःगु किंबदन्ति दु । हल्चोक आकाश भैरवया भिनिदैया जात्रा धा:सा जुजु अमर मल्लं न्ह्याकगु धइगु बंशावलीइ न्ह्यथनातःगु दु ।

नेवा: परम्पराकथं अष्टमातृका व भैरवया तःधःगु महत्व दु । भैरवयात महाद्यःया प्रतीककथं कयातःगु दुसा नेवा:तसें भैरवयात बिस्क रूप कया: थ्यंमथ्यं १०८म्ह भैरव माने यानातःगु दु । उकी पचली भैरव, उन्मन्त भैरव, हेग्रीव भैरव, त्यांका भैरव, काल भैरव, बाघ भैरव

अथे हे, हल्चोक आकाश भैरवयात बिस्ककथं कयातःगु दु ।

थुकी मध्ये नं बाघभैरव व पचली भैरवया जात्रा भिनिदैया छक्कः जक पिहां बिज्याइसा हल्चोकया आकाश भैरव दैयादँसं यैया:बलय च्यान्हुयंकं पिहां बिज्याइ । अथे हे, भिनिदैया जात्रा नं याइ । थुगु आकाश भैरवया भिनिदैया जात्रा वंगु बि.सं. २०७० सालय जगु खःसा



आ: वइगु बि.सं. २०८२ सालय जुइ ।

नेवा:तसें माने याइगु पञ्चतत्व मध्ये छगु वायु नं खः । श्री हल्चोक आकाश भैरव द्यःयात वायुकथं नं कायगु याः । आ: नं सुयात फसं कया: समस्या वल धा:सा हल्चोकय वया: पुजा यायगु यानाच्वंगु दु । नेपा:या राजकीय सम्मानकथं प्यारखं ल्हइकेगु छगु हल्चोकया आकाश भैरव नं खः । न्हापा न्हापा जुजुपिन्सं दिगु द्यःकथं हल्चोक आकाश भैरव द्यःया पुजा नं याः ।

यैया:बलय पिहां बिज्याइपिं हल्चोक

आकाश भैरवनापं चण्डी व कुमारी याना: स्वम्ह द्यःपि खः । यैया:बलय हल्चोक आकाश भैरव जात्रा जुइ न्ह्यः जलाथ्व पार कुन्हु स्वम्ह द्यः श्री हल्चोक आकाश भैरव, चण्डी व कुमारीया खवा:पा: लँपु छायागु नितिं हल्चोकया आगंछै निसे छगः सन्दुकय तया: अननिसे गुथियारपिन्सं कुबिया हया: यैया: मांसगल्लिइ चित्रकारया थाय हइ । लँपु छायागु

दक्षिणकाली व महाकालीया खवा:पा:या विशेष पुजा जुइ ।

उगु पुजाय गुथिया नायःपाखे न्हापा पुजा याना: अन लिपा मेपिन्सं पुजा याइ । गुथिपाखे बां स्यायगु लिपा पुजा क्वचाइ । पुजालिपा अन यैया: कुन्हु द्यः जुइपिनिगु खवा:पा: व लं मपुसे प्यारखं ल्हइगु रिहसल जुइ ।

जलाथ्व द्वादशिश कुन्हु गुथियारपिन्सं हल्चोकय द्यःछैय मुना: स्वम्ह द्यः चण्डी, कुमारी व हल्चोक आकाश भैरव द्यःपिनिगु खवा:पा: व लं छगः सन्दुकय तया: अननिसे कुबिया हया: यैया कायगु:ननि दुने छका छैय यैया: जःछि अनं हे जात्राय द्यः पिहां बिज्याइ । तर थुगु कायगु:ननिइ गथे याना: थन द्यः ला:वल धइगु न्ह्यथनातःगु मदु ।

श्री आकाश भैरव द्यःया वँचुगु खवा:पा:, वँचुगु जामालिसे ल्हातय खड्ग दइसा चण्डी व कुमारीपिनि ह्याउंगु खवा:पा: व ह्याउंगु जामा फिना: पिहां बिज्याइ । कायगु:ननिइ द्यः पिहां बिज्याइबलय दकलय न्हापां चिलाख दइसा अनं लिपा चण्डी, कुमारी व हल्चोक आकाश भैरव धुंका: बाजं पिहां वइ । द्यः पिहां बिज्याय धुंका: दकलय न्हापा उगु ननिइ द्यःप्यारखं ल्हइ न्ह्यः द्यः ल्हायमा: । द्यः ल्हायगु इलय स्वम्ह द्यःप्यारखं हुली । अन लिपा चण्डी व कुमारी निम्ह द्यः प्यारखं हुलीसा लिपा भैरव याकचा: प्यारखं हुली । वया लिपा छचा: चा:हिला: हाकनं कायगु:ननिइ हे वया: क्वचायकी । क्वचायकीगु इलय नं द्यः ल्हाइगु खः ।

यैया:या लिपागु दिं जलागा तृतिया कुन्हु कायगु:ननिइ हे द्यः पिहां वया: छचा: चा:हिला: हाकनं लिहां वइ । उगु दिनय उगु छैथुवा:पाखे स्वम्ह द्यःयात विशेष पुजा याना: बिदा बिया हइ । जात्राया लिपागु दिनय लिहां वयगु इलय स्वम्ह द्यःपिनिगु खवा:पा: व लं पुना: हे लिहां बिज्याइ । लिहां बिज्याइगु इलय पुजा काकां हल्चोकया द्यःछैय वइ । द्यःछैय पुजारी लसकुस याना: स्वम्ह द्यःपिन्त दुकाय धुंका: जात्रा औपचारिककथं क्वचाइ ।

द्यः प्यारखं हुलीगु इलय चण्डी व कुमारी निम्ह छक्कलं प्यारखं हुलीसा श्री हल्चोक आकाश भैरव याकःचा प्यारखं हुलीगु खः । बाजकथं खिं छगः व इयालि निगु दइ । बाज्या ताल किन्नाले सिन्तांग्या बोल्य बाजं थाइ ।



न्या:गू दशकनिसे
खवा:पा:या
ज्या यानाच्वंम्ह
तेजबहादुर

यैयाबलय जात्रा जुइगु श्री हल्चोक आकाश भैरव (सवःद्यः)या खवा:पा: यैया मांसगल्लीइ च्वंम्ह तेजबहादुर चित्रकारं वंगु न्यागू दशक न्ह्यः बि.सं २०२८ सालनिसें खवा:पा: दयकेगु ज्याय आ:तक नं न्ह्याचिला च्वनादीगु दु । वयकःया न्यागू पुस्तानिसें श्री हल्चोक आकाश भैरवया खवा:पा दयकेगु ज्या याना वयाच्वंगु दु ।

थौकन्हय वयकः ८१ दँ दयधुंकेगु दु । अभं नं वयकः खवा:पा:या ज्या यायगुलि निरन्तर न्ह्यज्याना च्वनादीगु दु ।

श्री हल्चोक आकाश भैरवया खवा:पा: दयकेगु नितिं 'गथुचा' छयलीगु धा:गु दु । गथुचा मेमेगु चा स्वया छाइ । खवा:पा दयकेत गथुचा जुटया बोरा, कस्तुरी माय मिले याना: थासाय तया



खवा:पा: दयकी । खवा:पालय रंग तय धुंका: दकलय लिपा जक मिखा कंकीगु ज्या याइ । मिखा ककीबलय खवा:पा: चुलिचू मच्वसे भचा छइके च्वना: मिखा

कंकेगु याइ ।

चित्रकारं कनादीकथं खवा:पा: दयकेत न्हापा न्हापा ज्यालाकथं दच्छइ भीगः ख्यैय, प्यकू स्यूचा व कःनि २१ थी

गुथ्या:पिन्सं बिया वयाच्वंगु खःसा आ धा:सा ध्यवा हे बियाच्वंगु दु ।

खवा:पा: तयार जुइ धुंका: चित्रकारं लःहायत जलाथ्व एकादशिश कुन्हु बिधिपूर्वक समेबजि छाना: पुजा याना: गुथ्या:या नायःयात लःल्हाइ । न्हापा पुजायात निम्ह हँय नं बीगु यानाच्वंगु खःसा थौकन्हय हँय मबीधुंकेल । द्यःया खवा:पा: लःल्हाना कायधुंका: लीया पिचा (छगुकथंया सन्दुक)य तया: चिलाख च्याका: हल्चोकय लित यंकी ।

एकादशिश कुन्हु हल्चोकय द्यःछै न्ह्यःने चण्डी, कुमारी, आकाश भैरव, पार्वती, गंगा, महाद्यः, बाराही, आकाशदेवी, महाकाली व दक्षिणकाली भिम्ह द्यःयागु खवा:पा:नाप तिसा: तया: पुजा याइ ।

पुलुकिसि

यँयाःया इलय् जात्रा याइम्ह 'तुयूम्ह किसि' खः । थुकियात पुलुकिसि/तानाकिसि धकाः नं धाय्गु याः । पंया कंलाय् (पुलु) थानाः दय्कीम्ह किसि जूगुलिं थुकियात पुलुकिसि धाःगु खःसा जात्रां गं घाकाः 'ताना ताना' सः वय्क न्ह्याइगु जूगुलिं 'ताना किसि' नं धाय्गु याः ।



रत्न काजी मन

न्यैकैकथं स्वर्गया जुजु यँमाघःया मांया तिलाव्रत चवनेत पालिजाः स्वां माःगु व उगु स्वां मर्त्यमण्डलय् जक दुगुलिं व स्वां काय्त वःम्ह यँमाःघवं थः बाहन ऐरावतयात किलाघःया जंगलय् त्वःताः स्वां श्वय्त वंगु खः । थथे स्वां श्वयाचवम्ह यँमाःघःयात ज्यापुं खनाः खुँ धकाः ज्वनाः यँकि । स्वनाः मचानय् चिनाः सकसितं ब्वयातःगु धाइ । उखे किसि ताः ई बितं नं यँमाःघः लिहाँ मवसेलि उखेंथुखें माः जूगुया प्रतीककथं हे किसि जात्रा न्ह्याःगु खः ।

साँस्कृतिक नगरी यँया थीथी जात्रापर्व मध्ये छ्मू महत्वपूर्ण जात्रा खः यँयाः । जलां हनीगु थ्व नखःयात यँघाः, अन्याः आदि नामं नं म्हसीका वयाच्वंगु दु । थुगु याःया इवलय् थीथी थासय् थीथी याः-प्याखंत न्ह्यब्वयाच्वनी । छवाःतक लसतां हनीगु थुगु नखः अलाथ्व द्वादशिनसें जलागाः तृतिया/चौथितक हनेगु याना वयाच्वंगु दु । थुगु याःया इवलय् न्ह्याकीगु न्ह्यब्वइगु थीथी प्याखंत मध्ये छ्मू खः - पुलुकिसि प्याखं ।


स्वंगू ब्वय् ब्वथलातःगु पुलांगु यँया थःने, क्वःने व दथु लागा मध्ये दथु लागाय् लाःगु त्वाः खः, किलाघः त्वाः । थुगु त्वाःया नाँलसे स्वानाच्वंगु जात्रा खः, पुलुकिसि जात्रा । किलाघः त्वाःया पुलांगु नामय् खनेदयाच्वंगु "किसिलहाय टोर" थ्व थाय् किसिलसे सम्बन्धित थाय् खः धइगु खँ न्ह्यब्वयाच्वंगु दु । स्थानीय विश्वासकथं किलाघः त्वालय् न्याम्ह किसि दुगु वः इतुंगालय् (थौकन्हय् इतुबहाल)य् व न्याम्ह किसि लः त्वनेत वइगु खः धइगु खँ न्ह्यथनातःगु दु ।

यँयाःया इलय् जात्रा याइम्ह 'तुयूम्ह किसि' खः । थुकियात पुलुकिसि/तानाकिसि धकाः नं धाय्गु याः । पंया कंलाय् (पुलु) थानाः दय्कीम्ह किसि जूगुलिं थुकियात पुलुकिसि धाःगु खःसा जात्रां गं घाकाः 'ताना ताना' सः वय्क न्ह्याइगु जूगुलिं 'ताना किसि' नं धाय्गु याः । न्ह्यागु हे धाःसा किलाघः त्वाल न्ह्याकीगु पुलुकिसि जात्रा यँयाःया शान जुयाः न्ह्यज्यानाच्वंगु दु । थुम्ह किसियात यँमाघः (ईन्द्र)या बाहन धकाः नं धाय्गु याः ।

न्यैकैकथं स्वर्गया जुजु यँमाघःया मांया तिलाव्रत चवनेत पालिजाः स्वां माःगु व उगु स्वां मर्त्यमण्डलय् जक दुगुलिं व स्वां काय्त वःम्ह यँमाःघवं थः बाहन ऐरावतयात किलाघःया जंगलय् त्वःताः स्वां श्वय्त वंगु खः । थथे स्वां श्वयाचवम्ह यँमाःघःयात ज्यापुं खनाः खुँ धकाः ज्वनाः यँकि । स्वनाः मचानय् चिनाः सकसितं ब्वयातःगु धाइ । उखे किसि ताः ई बितं नं यँमाःघः लिहाँ मवसेलि उखेंथुखें माः जूगुया प्रतीककथं हे किसि जात्रा न्ह्याःगु खः ।

पुलुकिसि निर्माणया प्रक्रिया जात्रा न्ह्याय् निवाः स्ववाः न्ह्यःनिसें हे न्ह्याइ । पंया पुलु चीगु, त्वपुइगु कापतय् लंपुलिं छाथुगु ज्या न्हापा न्ह्याइ । थथे तयार जूगु पुलु न्हापा न्हापा किलाघः त्वाःया विश्वेश्वर महाद्यःया देगलय् तयगु यानातःगु खः । तर उगु देगः पुनःनिर्माण लिपा नासःद्यःया ख्यलय् तयगु याना वयाच्वंगु दु ।

पुलुकिसि जात्रा व्यवस्थापनया नितिं किलाघः त्वाःया जःपिं मध्ये दैय् च्याम्हेसित



पाः बीगु याना वयाच्वंगु दु । होलिपुनिह कुन्हु पाःब्व लःल्हानाः वइगु दैया त्वालं याय्माःगु ज्याया नितिं भाला बीगु खः । किसि जात्राया नितिं यक्व मनुत माःगुलिं त्वाः पाःलाःपिन्सं मेमेपिन्त नं हारगुहार यानाः जात्रा याय्गु याना वयाच्वंगु दु ।

किसि जात्रा अलाथ्व द्वादशिनसें न्ह्याइ ।

उपाकु कुन्हु न्हापांखुसिइ किसि पिहाँ वयाः उपाकु लँपुइ जात्रा न्ह्याइ । थुकुन्हु निसें न्हिथं सनिलय् किसि पिकयाः थीथी ब्वंगु थासय् प्याखं हुइके यँकेगु याइ । यँयाःया क्वःनेयाः, थःनेयाः व नानिवा याःया इलय् कुमारी जात्रा जुइगु लँपुइ हे किसिया नं जात्रा याइ । थुबलय् छाःगु फुक्कं कःघाय्गु भाला त्वाः पाःलाःपिनि

जुइ । त्वाः पाःलाःपिन्सं जात्रा ब्वति काइपिं बाजं खलः व किसि क्वबुइपिन्त जात्रा न्ह्यः त्वाःछँय् बजि नकेगु, कौला याकेगु याय्माः । थुकिया स्रोत धयागु हे किसियात छाइगु क्यपु हे खः ।

किसि जात्राय् बाजकथं धिमे, भुस्याः व कँय्पुइं थाय्गु याइ । मेमेगु इलय् ज्वः धिमे थाय्गु याःसां किसि जात्राय् धाःसा छगः जक धिमे थाय्गु याना वयाच्वंगु दु । थुकिया हुनिं छु खः धइगु मालेकुलेया हे खँचु तिति । थौकन्हय् यँ महानगरपालिकापाखें छुं भचा आर्थिक ग्वाहालि ब्यूसां जात्राया नितिं माःकथंया व्यवस्था धाःसा आःतक नं जूगु मडुनि ।

किसि जात्राया छ्मू मू ब्व लाखेयात ब्वनीगु व लाखेयाथाय् वनाः प्याखं हुइकः वनीगु खः । छ्मू इलय् लाखे व सवःभक्युया दथुइ ल्वापु जूगु इलय् उमि दथुइ ल्वापु ज्यँकेगु व सौहार्दपूर्णरूपं जात्रा न्ह्याकेगु नितिं लाखेया छँय् व पुलुकिसियाथाय् थथे ब्वनेगु इवः न्ह्याःगु खः । थौतक नं सौहार्दपूर्ण लकसय् थथे ब्वनेगु व प्याखं ल्हुकः वनेगु चलन न्ह्याना हे च्वंगु दु ।

यँयाः सौहार्दता व मित्रतापूर्ण भावं हनेगु नखः खः । थ्व हे खँयात मनन यानाः छँखापतिकं समय्बजि इनेगु व थवंथवय् मित्रताया भावया सञ्चार याय्गु यानावयाच्वंगु दु । पुलुकिसियात समय्बजिलसे हे स्वानाः न्ह्यथनेगु यानाच्वंगु दु -

'ला छ्कू वय्क समेबजि वल वल पुलुकिसि ।'

राम प्रजापति प्रोप्राइटर

हारती मिठाई भण्डार
(रुच्छ शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।


(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछैं, पाको, न्हूसतक, यँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

सक्वय् देवीप्यारखं

देवी प्याखं हुइकेत सुथय् गुँ बिहारय् वना: ह्यौउखा: माजुयात पुजा याना: ह्यौउखा: माजुया किकिंपा स्वपा: हया: देवी जुइपिन्त छुना बीगु ख:सा थुगु किकिंपा तय्वं हे खाना वइगु ख: । थुगु लू स्वयबलय् छ:या शक्ति छ: जुइपिके छ: दुबिनिगु धइगु ख: ।



किच: सिं



दैत्यया प्रतीककथं दबुलिया ल्वहंतय मि प्वालाक वय का: खइगं पालिगु लू खनेदु । खिं थाइबलय ताल मिले मजूसा खिं पालिगु व हवगंक खइगं सुयाबीगु लू नं खनेदइ । खिं थाम्हेसिं ताल द्रकल धा:सा वयात हे ल्हाती धा:पा: जुइक खइगं पालिगु लू खनेदु ।

दैयदसं थें थुगुसि नं सक्वय देवीप्याखं काया अष्टमि कुन्हु चिच्छयंक हुइकल । देवीप्याखं हुइकीगु न्हिंसै माल श्री धुन व म्ये हालीगु ख:सा मालश्री धुन व म्ये हालेवं मोहन सुरु जुइगु भा:पीगु ख: ।

सक्वय देवी, चण्ड व भैरव धका: ३ म्ह देवीपिन्त मालश्री धुन व म्ये हाला: खिं, ता:, पँयता, नायखिं, छुस्या व म्वायलिं पुया: प्याखं ल्हुइकीगु ख:सा म्येया प्रत्येक बोलकथं देवी नं दैत्य दानवीपिन्त संहार या:गु गाथा न्हयवइगु ख: ।

देवीपिन्त वस:, खवा:पा:, मतू,

किकिंपा:, खइग व पात्रं छायेपीकीगु ख: । देवी, चण्डीपिन्त ह्यौउगु वस: ह्यौउगु हे खवा:पा: पुइकीसा भैरव छम्हेसित धा:सा हाकुगु वस: व हाकुगु खवा:पा: पुइकीगु ख: । देवी प्याखं हुइकेत सुथय् गुँ बिहारय् वना: ह्यौउखा: माजुयात पुजा याना: ह्यौउखा: माजुया किकिंपा स्वपा: हया: देवी जुइपिन्त छुना बीगु ख:सा थुगु किकिंपा तय्वं हे खाना वइगु ख: । थुगु लू स्वयबलय् छ:या शक्ति छ: जुइपिके छ: दुबिनिगु धइगु ख: । वहे शक्तिं सक्वय चिच्छ छ: खाका: देवी प्याखं हुइकीगु ख: ।

देवीप्याखं पिदनेत सक्व:या नास:चकय नास:छ: पुज्याना: समे भव्य धुंका: दकलय न्हापां चलाखु त्वा:या गणेद्य: न्हय:ने देवीप्याखं हुइकीगु ख: । अनया दबुली १२गु तालं प्याखं हुइकीगु ख:सा ६व्व देवीप्याखं, ६व्व ख्या:, कर्व व बेताल प्याखं हुइकीगु ख: । सक्वय यँया दीप्याखनय थें दैत्य पात्र धा:सा दइमखु । दैत्य जुइम्हेसित धात्ये क: वनिगु भय जुगुलिं दैत्य प्याखंम्व: मदइगु ख: । दैत्यया प्रतीककथं दबुलिया ल्वहंतय मि प्वालाक वयका: खइ गं पालिगु लू खनेदु । खिं थाइबलय ताल मिले मजूसा खिं पालिगु व हवगंक खइगं सुयाबीगु

लू नं खनेदइ । खिं थाम्हेसिं ताल द्रकल धा:सा वयात हे ल्हाती धा:पा: जुइक खइगं पालिगु लू खनेदु । थुगु देवीप्याखं सक्वया च्यागू त्वाल्य प्याखं हुइकीगु ख:सा प्यंगू थहांवंगु दबुलि व प्यंगू माथं वंगु दबुलिइ प्याखं हुइकी । थुगु प्याखं हुइका हइबलय् छ: गनगन दु, अनअन छ: ल्हाका हयुमा:गु चलन दु । अथे हलिमय् दकलय चीधंगु दबुलिकथं मान्यता बियात:गु लसकुस फल्वा दबुलि क्वय नं बज्रयोगिनी उग्रतारायागु मालश्री म्ये हायुका: देवीप्याखं हुइकीगु चलन दु । मुक्कं ३४गू स्ववायर फिट जक दुगु दबुलि ख: ।

आयुर्वेदयुक्त दुखाई मुक्त १००% जडिबुटीबाट बनेको हुकुम मालिस तेल

मेरुदाण्डको समस्या, सोल्जर फ्रोजन, माइग्रेन, टाउको, घोटो, घुँडा, हड्डी खिश्को, नखाको विकृति, प्वालाडाइसिस (फ्लुपात) जोनी, कम्मर, कर्कुवा, पैताला दुख्ने/पोल्ने, भ्रमभ्रमाउने, धकान, मसल, मांसपेशी, सुरिक एसिड, बाधबाट शरीरको भित्री बाहिरी दुखाईलाई शतप्रतिशत निको पार्छ तथा भुम्सिलाकार, माछुरी, बारुलाको टोकाई एवम् पाऊ बोटपटकका प्रयोग गरेमा तुरुन्त निको हुन्छ ।

एक्युप्रेसर बिधिद्वारा घरमा आएर मालिस गरिन्छ ।

सम्पर्क : ९७४१८५१३९८ / ९७४३३०९६६६

100% Vegetarian
Sweet Cave
Sweets • Namkeen • Fast Food

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटरीङ पनि गरिन्छ ।

आयो नून खाउँ स्वस्थ रहौ

गाउँसम्म आयो, 'आयो नून' यसले लगायो घरे गुन

आयोडिनको कमीबाट हुने विकृतिहरू:

१. गर्भ तुल्ले, मृत सिस्नु जन्मिने, अन्न भन्न भएको सिस्नु जन्मिने, जन्मेको सिस्नु चौधै मर्न सक्ने ।
२. बच्चाहरू बलिरा, लाटा, लडेउग, बाग्युदके, डेढो आदि हुन सक्ने ।
३. पचासमा कालोले भई पठन पढक फेन हुनुको साथै खोलकुटमा समेत पछाडि पर्नसक्ने ।
४. गलगीरि आउने, सूक्ष्मदर्शीयति हुने ।
५. आयोडिनको कमीले I.Q Level कम हुने ।
६. आयोडिनको कमी भएमा मानिसहरूमा आलस्यन आउने, काम गर्न क्षमतामा कमी आउने ।
७. आयोडिनको कमीबाट गर्भवस्तुले दुख कम दिने ।

आयोडिनको कमीबाट हुने विकृतिहरू उपचार गरेर हटाउन सकिने । त्यस्ता विकृति आउन नदिन एकमात्र उपाय आने दैत्य आयोडिनयुक्त बालबालिकाको चिन्ह अंकित पाकेटको नून मात्र प्रयोग गरौ ।

सोल्ड ट्रेडिङ कर्पोरेशन लिमिटेड
केन्द्रीय कार्यालय: पो.ब.नं.: ४८३, कालिमाटी, काठमाडौं, नेपाल, फोन नं.: ४२७०३१५, ४२७०१४, ४२७१२०८, फ्याक्स नं.: ९७७-१-४२७१७०४, ४२७१३९५

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC (ID) Visiting Card
- & all kinds of press works

लिपि च्वज्या कासा क्वचाल



येँ महानगरपालिकापाखे संचालन जुयाच्वंगु मेट्रो एफ.एम. ९४.६ मेगाहर्जया २० क्वःगु बुन्हिया लसताय् जूगु रञ्जना लिपि च्वज्या धेँधेँबल्ला कासा क्वचाल ।

नव आदर्श मा.वि., बसन्तपुलिङ्ग जूगु लिपि च्वज्या कासाय् येँ, यल, ख्वप, तोखा, फुसिख्यः, थसि, थेच्व, सक्व, थिमि, नैकाप, रामकोटलिसें थीथी थसं यानाः च्वन्ह्यम्हेसिनं ब्वति काःगु खः ।

येँ महानगरपालिका सूचना प्रविधि विभागया प्रमुख राज्यप्रकाश प्रधानाङ्ग 'रञ्जना लिपि च्वज्या कासा'या उलेज्या यानादिसें येँ महानगरपालिका न्ह्यानाच्वंगु आर्थिक दैय् काःगु भाषा, कला, संस्कृति व सम्पदाया संरक्षण याय्गु नीतिकथं हे थुकथंया लिपि च्वज्या कासाया ग्वसाः ग्वयागु खः

धयादिल । वय्कलं एफ.एम.या बुन्हिया लसताय् न्हापांखुसी नेपाःया म्हसीका जुयाच्वंगु लिपि च्वज्या कासा याय् खंगुलिं थः अतिकं लय् ताःगु नं धयादिल ।

उलेज्याइवलय् गुथिया न्वकू अनिल स्थापितं लिपिया महत्व व लिपि च्वय्बलय् ध्यान बीमाःगु पक्षयात कयाः ध्वाथुइकादीगु खः ।

गुथिया प्राज्ञपिं राजेन्द्र शाक्य, मदनमुनि वज्राचार्य व गुथिया न्वकू अनिल स्थापित लिपि च्वज्या कासाया निर्णायकमण्डल्य च्वनादीगु दु । कासाय् न्हाप जूम्हेसित नीन्याद्गः, ल्युयात झिन्त्याद्गः, लिप्याल्युयात झिद्गः व झिम्हेसित हःपाःकथं म्हतिं द्दःछिद्गःछि तका व दसिपौ लःल्हाइ । कासाय् उत्कृष्ट जूपित असोज १ गते मेट्रो एफ.एम.या बुन्हिया लसताय् जुइगु ज्याइवलय् सिरपाः लःल्हाइ ।

सरकारयात...

मंकाःकथं घोषणा याःगु आन्दोलनया ज्याइवःकथं वइगु भदौ ३० गतेतक देय्न्वकं प्रचार प्रसार, अपील, गोष्ठी याइगु जूगु दु । अथे हे, असोज १ गते पहिचानसहित संघीयता सम्बन्धी प्लेकार्ड, ब्यानर जुलुस ब्वज्या याय्गु व असोज ३ गते बहनी देय्न्वकं ७ ताःनिसें ७:३० ताः ईतक 'ब्ल्याक आउट' याइगु जूगु दु । पत्रकार सम्मेलनय् जारी याःगु विज्ञापितइ महासंघया नायः बरामलिसें थीथी जातीय

संघसंस्थाया प्रतिनिधिपिन्सं ल्हाःचिं तयातःगु दु ।

आन्दोलनयात कयाः पिथंगु मंकाः विज्ञापितइ नेपाल आदिवासी जनजाति महासंघनायः बराम, मधेसीपाखे सरोज राय, दलितपाखे दलमर्दन कामी, मुस्लिमपाखे नजरुल हसन, मिसापाखे चिनिमाया माझी, अन्तरपार्टी सञ्जालपाखे ईन्द्रबहादुर गुरुङ, चन्द्रविक्रम राई, रत्नविक्रम स्याङ्बो, प्रा. डा. ओम गुरुङ व कुमार लिङ्देनं ल्हाःचिं तयादीगु दु ।

सहकार्य यानाः न्ह्याःवनेगु प्रतिबद्धता

महानरीय प्रहरी परिसर ललितपुरया प्रमुखनापं प्रहरी वरिष्ठ उपरीक्षक टेकप्रसाद राई अपराध न्यूनीकरण व शान्ति सुरक्षाया प्रत्याभूतिया निमित्त फुक्कालिसे जानाः न्ह्याःवनेगु धयादिल ।

जाह्वलाख्यल प्रहरी परिसरय् यलया उद्यमी व्यवसायीपिंलिसे नापलाय्गु इवलय् राई उगु खँ धयादीगु खः । वय्कलं नखःचखः न्ह्यःने वयाच्वंगु इलय् सुरक्षाया निमित्त फुक्कालिसे ग्वाहालि व सदाशयता माःगु नं धयादिल । अपराध अनुसन्धानय् ताः ई ज्या यानागु अनुभवयात फ्याफक्व सदुपयोग याय्गु धयादिसें वरिष्ठ उपरीक्षक राई प्रहरीयात कयाः जनविश्वास अप्वय्केत व्यवसायिक मूल्य व मान्यताय् च्वनाः ज्या याय्गु नं प्रतिबद्धता प्वकादिल ।

थ्व हे इवलय् ललितपुर सुनचाँदी व्यवसायी संघया नायः किरणभाइ बज्राचार्य लुँया भाः तसकं थहां वंगुया नापनापं खुइगु,



लुटे याइगु सम्भावना अप्वःगुलिं लुँवहः पसः दुगु थसय् निगरानी अप्वय्केत इनाप यानादिल ।

अथे हे ललितपुर उद्योग वाणिज्य संघया पुलांम्ह नायः नापं समाजसेवी अजरमान जोशी प्रहरी प्रशासनं समन्वयात्मक व सहकार्य यानाः न्ह्यज्याःसा अपेक्षा याःकथं लिच्वः वःगु आपालं दसू दुगु धयादिल । व्यवसायीतसे नापा काय्गु ज्याय् जक सीमित मजूसे

समुदायया आवश्यकतायात थुइकाः प्रहरी व समुदायलिसे सहकार्य याना वयाच्वनागु नं जोशी धयादिल ।

संघया मूख्याञ्जे सुविन बज्राचार्य नं नुगःखँ तयादीगु उगु ज्याइवलय् प्रहरी उपरीक्षक दुर्गा सिंह, प्रहरी नायव उपरीक्षक सन्तोष तामाङ, देवेन्द्र पाण्डे, संघया निवर्तमान नायः रुपकुमार शाक्यलिसेया उपस्थिति दुगु खः ।

जैशीदेगल युथ क्लब २६दँ कयन

येँया सामाजिक संस्था जैशीदेवल युथ क्लब थःगु २६क्वःगु बुदिंया लसताय् न्हूधलय् छगू विशेष ज्याइवः यात । क्लबया नायः राजेश प्रजापतिया सभाध्यक्षतय् न्ह्याःगु उगु ज्याइवलय् मूपाहांकथं येँ महानगरपालिकाया प्रमुख विद्यासुन्दर शाक्य भयादीगु खः ।

मूपाहां शाक्य थौं कन्हयया युवा वर्गयात समाजसेवापाखे अग्रसर जुइत बः बीमाःगु बिचाः तयादिल । लिसें वय्कलं स्थानीय जनता हे धात्थेया स्थानीय सरकार जुइगु जुयाः स्थानीय तवरं जुइमाःगु विकास निर्माणया ज्याय् सकलें सक्रिय जुइत नं सकसितं इनाप यानादिल ।

ज्याइवलय् क्लबया महासचिव चन्द्रगोपाल प्रधानं लसकुस यानादीगु खःसा क्लबया नायः राजेश प्रजापतिं



येँयाः जात्राया ज्याइवलय् क्वःनेयाःबलय् क्लबं याइगु थीथी ज्याइवःया जानकारी बियादीगु खः ।

ज्याइवलय् येँ महानगरपालिका २१

वडाया वडाध्यक्ष उदयचुडामणि वज्राचार्य व क्लबया सल्लाहकार मधुसुदन प्रधानं क्लबया बारे थःपिनिगु नुगःखँ प्वकादीगु खः ।

प्रा. बज्राचार्यया जहान मन्त

नेपालभाषा ख्यःया भाषाह्यःमि न्ह्यलुवा प्राध्यापक मदनसेन बज्राचार्यया जहान शशी बज्राचार्य मन्त ।

लिच्छि न्ह्यःनिसें म्हंमफयाः अस्पतालय् वासःयाकुयाकुं वंगु सञ्चरवाः

सुर्थासिया टताः इलय् ६५दँया बैसय् मदुगु खः । वय्कःया काय् छम्ह, म्ह्याय् निम्ह दी । सञ्चरवाः हे न्हिनसिया ३ताः इलय् शोभाभवगतीया कर्णदिपय् अन्तिम संस्कार जूगु खः ।

नेवाः पत्रकार राष्ट्रिय दबू गोरखा कचाय् न्हूगु नेतृत्व



नेवाः पत्रकारतय्गु राष्ट्रिय संगठन नेवाः पत्रकार राष्ट्रिय दबूया गोरखा कचाया स्वक्वःगु अधिवेशन सञ्चरवाः क्वचाल ।

अधिवेशनं गोरखा कचाया न्हूम्ह नायःकथं सर्वसम्मतं भीमसेनबाबु श्रेष्ठयात ल्यःगु दु । अथे हे, सर्वसम्मतं छ्याञ्जेय्

भीमलाल श्रेष्ठ, दांभरिइ निर्मल श्रेष्ठ व दुजलय् विमल श्रेष्ठ व सुजन श्रेष्ठयात ल्यःगु दु । नेवाः पत्रकार राष्ट्रिय दबू केन्द्रया नायः श्रीकृष्ण महर्जनया मूपाहां जुयादीगु उगु ज्याइवलय् सगरमाथा आरोही गोरखा जिल्लाया पत्रकार पुर्णिमा श्रेष्ठयात हंगु खः ।

नेवाः पत्रकार राष्ट्रिय दबू गोरखा जिल्लाया निवर्तमान नायःलिसें केन्द्रीय दुजः उत्तम श्रेष्ठया सभाध्यक्षताय् जूगु उलेज्या ज्याइवलय् नेवाः पत्रकार राष्ट्रिय दबूया केन्द्रीय न्वकू नृपेन्द्रलाल श्रेष्ठ, दांभरि सुरेन्द्रभक्त श्रेष्ठ नं पाहाँकथं भयादीगु खः ।

नेवाः पत्रकार राष्ट्रिय दबूया थ्व हे वइगु कार्तिक ३० गते स्वक्वःगु तःमुँज्या याय्गु निमित्त थीथी जिल्ला मध्ये छुँदिं न्ह्यः येँ, ख्वप, काभ्रे, चितवन व दोलखा जिल्ला कचाया अधिवेशन जुइथुंकूगु दु ।

जनताको पीर मर्का सुन्न र रचनात्मक सुभावहरू ग्रहण गर्न नेपाल सरकार सधैं तत्पर र जागरुक छ । साथै समस्या निराकरण गर्न सुभावको अपेक्षा पनि गर्दछ ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

ON THE OCCASION OF "WORLD TOURISM DAY"
CULTURAL SHOW
and **NEWA BHOOYE**

Program Venue: Patan Durbar Square
Date: September 27th 2019, 6 pm sharp
Dinner Venue: Bhandar Khwal Garden

For ticket and more information
Contact: 9841281385/ 9800163023

MAJESTIC ATTRACTIONS:
Nepali cultural performance
Typical Nepali (Nepali) Music
100 different dance performances
Musical performances

Organized By: Dancer and Music Academy Nepal (DAMAN)

गोस्वामि कृष्णरत्न शिवजी माझ मंगलम नौगोल (गोस्वामि मंगलम)

The British College

FOURTH TAMRAKAR
FUTSAL
2019, SEPTEMBER 21st & 28th

TEAM SPONSORED: UTTAM

SUPPORTED BY:

MEDIA PARTNER:

लहना

उपलब्ध हुने सामानहरू डेरी, मासु, बेकरी उद्योगकालागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिहलहरू तथा विविध औद्योगिक उपकरणहरू।



ठ्याकूम प्याकिङ मेसिन



मिल्क सेपर मेसिन



अटोमेटिक मिल्क कान्स्ट्रक्टर सेट नेपाली समरवेयर सहित



मिल्क क्यान



क्रिम सेपरेटर मेसिन



प्लानेटरी मिक्सर



फिडर प्लकर



आइसक्रिम मेकिङ मेसिन

श्रेष्ठ ट्रेड मेडिया

श्री लाल भवन, १३ टंकेश्वर (छाउनी जाने बिष्णुमति पुलसँगै)
काठमाडौं, फोन : ४२७०६८४/९८५१०८८९५२

Email: lal265shrestha@gmail.com, laltc@hotmail.com

A House of Dairy Equipment & Chemicals

साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

Email: laltc@wlink.com.np

सेमिनार वा कार्यक्रममा नितिं लञ्च बक्सया डोर टु डोर सर्भिस ग्यागु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

Delicious Sweets

विगवन्
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

उपलब्ध सेवा

२४ सै घन्टा सेवा

शल्यक्रिया

बहिरङ्ग सेवा

अन्य सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np